

St. Castin a qui monsieur le General auoit fait adreffer les ordres et les presens pour inuiter les Abnaquis de L Acadie de se venir Ioindre a ceux de nostre Mission, a esté fort molesté des Anglois qui La [*i.e.*, qu'il a] sommé trois fois cet huer de quitter le poste de pentagset ou il est cela a ce quil escrit icy L Empesche de venir avec les fauuges quon fouhaittoit de ce costé La ie ne scay pas comme Mon^r le G^{nal} a qui iay enuoyé toutes les Lettres de St. Castin, a receu cela tout ceux qui sont arriuez de L Acadie avec les nostres ont tesmoigné vne passion furieuse de donner sur L Iroquois, et on m'escriuoit il y a deux Iours de Montreal que tout le monde estoit extremement content de nos gens. lvnique chose que ie fouhaite en tout cela cest que L affection particuliere quon leur tesmoigne serue a establir plus solidement cette mission qui avec La grace de Dieu a de sy heureux commencemens. on me dit hier onzième Aoust que nos Abnaquis auoient desia g^{de}. reputation en france ie ne scay sy on ne me faisoit point ce compliment pour adoucir vn peu les petites peines que iay a trauailler a faire subsister icy cette pauvre Mission; ie vous manderay toujours sincerement comme ie vous lay promis le bien et le mal que iy verray: car le mal que vous verrez dans nostre mission vous portera plus fortement a la recommander a N. S. et y engagera aussy tous ceux qui sintereissent pour nostre Chere Mission ny mon frere ny moy nauons fuiuy les fauuges a la guerre il a quelque occupations a la Mission des Iroquois du Sault quon a Iugez plus necessaire et pour moy on ne ma pas voulu faire quitter vn sy g^d. nombres des fauuges qui restent icy pour aller avec quatre vingt